

Powšitkowne WOZJEWJENJA

njedźelu, 22. februara 2026

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow na swoju hłownu zhromadźiznu, kotraž budže wutoru, 24. februara, w Baćonju. Započnjemy z Božej mšu we 18.00 hodź. we wosadneje cyrkwi. Přizamknje so zhromadźizna na farje. Slědowacy dnjowy porjad je předwidžany:

1. witanje a zahajenje
2. wólba nawody zhromadźizny
3. rozprawa předsydstwa
4. rozprawa korporacijow a sekcijow
5. financna rozprawa
6. rozprawa rewizijneje komisije
7. diskusija a schwalenje rozprawow
8. wotewrjena diskusija
9. zakónčenje a zhromadna modlitwa.

Do hłowneje zhromadźizny a po njej změja čłonojo składnosć, swój lětny přinošk dźesać eurow zapłaćić.

Cyril Hančik, předsyda TCM

Wodženje k narodnym drastam w Serbskim muzeju

Serbskorěčne wodženje tutu njedźelu, 22. februara, w 17.00 hodź. po stajnej wustajeńcy Budyskeho Serbskeho muzeja wěnuje so serbskim narodnym drastam. Andrea Pawlikowa předstaji mnohotnosć drastowych wariantow, jich wuznam a symboliku kaž tež jich změnu w běhu časow. Hižo wot 16.00 hodź. wotměje so němskorěčne wodženje. Wšitcy zajimcy su wutrobnje přeprošeni.

Ekumeniski póstny seminar

Prěnje zarjadowanje lětušeho Ekumeniskeho póstneho seminaru w Smochčanskim kubłanišću swjateho Bena budže pónđzlu, 23. februara, w 19.30 hodź. Dr. Tobias Kläden z Erfurta přednošuje na temu „Mjez eroziju a relewancu – 6. naprašowanje mjez čłonami cyrkwjow“. Wšitcy zajimcy su wutrobnje přeprošeni. Zastup je darmotny.

Dodatny mision w Radworju

Lěto po misionje přeprošuje Radworska wosada na dodatny mision z patrami Hünfeldskich oblatow. Zahaja pjatk, 27. februara, we 18.30 hodź. z Božej mšu w cyrkwi. Po tym su wšitcy na zetkanje na farje prošeni. Nazajtra swjeća we 8.00 hodź. Božu mšu. Sćěhuje dopołdnjo za firmujomnych Radworskeje wosady. Džěci změja wot 15.00 do 16.30 hodź. zhromadne popołdnjo. Pod hesłom „Štóz wěri, njeje sam – duchowny wječor z misionarami w Radworju“ změja wšitke starobne skupiny wječorne zarjadowanje. Zhromadny spočatk budže w 20.00 hodź. z wječornym modlenjom w cyrkwi. Wuraznje su tež wěriwi ze wšitkich serbskich wosadow přeprošeni, wosebje młodostni. Njedźelu, 1. měrca, změja w 7.30 hodź. Božu mšu w Zdžeri a w 9.30 hodź. w Radworju.

Zarjadowanja dekanatneje młodžiny w póstnym času

Serbscy młodostni su w póstnym času na wšelake zarjadowanja přeprošeni. Mjez druhim stej duchowny wječor z Hünfeldskimi oblatami sobotu, 28. februara, w Radworju a wječorne modlenje sobotu, 7. měrca, w Ralbicach planowane. Nadrobniši přehlad je pod www.posol.de podaty.

Zetkanje samostejacych

Samostejacy ze serbskich wosadow su na swoje lětuše přenje zetkanje wutoru, 10. měrca, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 3. měrca, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjese. Štóz chce wotewzaty być, njech to prošu zdželi.

Serbske kemše w Drježdžanach

Drježdžanscy Serbja – wosebje tež młodži – su na maćernorěčnu Božu mšu njedźelu, 8. měrca, w 16.00 hodź. do cyrkwy swjateho Antonija na Bünauskej 10 přeprošeni. Bjesada při kofeju započne so hižo w 15.00 hodź.

Lětsa tři putniske jězby do Erfurta, sewjerneje Němskeje a Awstriskeje

Na tři putniske jězby přeprošuje Radworske Šmitec-Schwarzec wozydłownistwo lětsa w běhu lěta. Přenja powjedže wot pjatka do wutory, 26. do 30. junija, (wot wozydłownistwa korigowany termin) na pasionske hry do awstriskeho St. Margarethena. Nimo toho poskićuja kołojezby.

Lětuša serbska putniska jězba pod hesłom „Wěra zetka hudźbu“ budže wot pónđzele do štwórtka, 10. do 13. awgusta. W Erfurće wopytaja wobdžělnicy mjez druhim klóšter awgustinow a tamniši měšniški seminar. Dale wobdžěla so na Erfurtskich domowych swjedženskich hrach, hdžež předstaja musical „Jesus Christus Superstar“. Zdobom zarjadowuje Drježdžansko-Mišnjanske biskopstwo wot srjedy, 30. septembra, do njedzele, 4. oktobra, chórowe putnikowanje do Greifswalda, Stralsunda kaž tež na kupu Usedom. Dny wobsahuja zhromadne proby a Bože služby. Na jězbje wobdžělić móža so wšitcy, kiž rady spěwaja, byrnjež čłonojo chórow njebyli, runje tak kaž wšitcy, kotřiž njespěwaja, ale chcedža křesćansku zhromadnosć dožiwić. Přizjewjenja přijimuje Šmitec-Schwarzec wozydłownistwo, telefonowe čisło (03 59 35) 28 60.

Wo temach pisać, wo kotrychž hewak njeřeči

Projekt „Wobydlerjo činja žurnalizm“ Lipsčanskeje uniwersity přeprošuje wosoby wot 18 lět ze Sakskeje, so z wobydlerskim žurnalistom stać a wo temach ze swojeho regiona rozprawjeć, wo kotrychž hewak njeřeči. Wobdželenje je darmotne, nježada sej žane předznajomosće, ma so derje z powołanjom a swójbu zjednočić dać. Planowane su džěłarnički k žurnalistiskemu rjemjesliskemu gratej, podpěra přez profesionalneho žurnalistu a wozjewjenje tutych přinoškow. Projekt zahaji so w měrcu 2026 w Kamjencu, Budyšinje a Wojerecach. Trać ma wón dohromady něhdže tři měsacy. Na dwěmaj abo třoch sobotach sposrědkuja zakłady. Dalše krótke zetkanja budu digitalne. Wobdželenje je darmotne. Zajimcy měli so hač do soboty, 28. februara, z mejlku na buergerjournalismus@uni-leipzig.de přizjewić. Městna su wobmjenzowane. Wjace pod www.posol.de.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndžele do póndžele, 2. do 9. nowembra. Přewodžeć budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnišim informacijam je pod www.posol.de podaty.

Chorych a mrějacych přewodžeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Za to trěbnu wědu posrědkuja w zakładnym kursu, kotryž wotměje so wot 4. měrca hač do 18. apryla trójce srjedu wot 17.00 do 20.00 hodź. kaž tež trójce sobotu wot 9.00 do 15.00 hodź. Na to scěhuje dohromady 20hodžinski praktikum z dalšimi štyrjomi zetkanjemi. Pohłubšacy kurs je w septembru planowany. Štóž chcył wukubłanje absolwować, měł so pola hospicneje služby Carity w Kamjencu pod telefonowym čisłom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod www.posol.de podaty.